



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<< 17 >> ապրիլի 2019թ.

Ո Ր Ո Շ ՈՒ Մ No. 655 / 15-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյան քննարկելով Վարդան Վարդանյան Ա/Ձ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների Վարդան Վարդանյան Ա/Ձ-ի (ՀՎՀՀ 84966666, հասցե՝ Կոտայքի մարզ, գ. Կամարիս 8-րդ փող. 19, պետ. գրանցման համարը՝ 42.859371, անձ. AM0699333) չկատարված հարկային պարտավորությունը <21> մարտի 2019թ.-ի դրությամբ կազմել է 568.671 դրամ, որից ապառք՝ 477.164 դրամ, տույժ՝ 91.507 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <21> մարտի 2019թ.-ին հարկ վճարողը ՀՀ ինտերնետով ծանուցման պաշտոնական կայքի միջոցով պատշաճ կերպով ծանուցվել է, չի ներկայացրել վարույթի նյութերին ծանոթանալու համար և որևէ բացատրություն չի տվել:

Նկատի ունենալով, որ 2018թ.-ի հոկտեմբեր ամսվանից հարկային պարտավորությունների առկայության դեպքում վարչարարությունն իրականացվում է էլեկտրոնային ծրագրի միջոցով, ուստի սույն որոշման մեջ չի ներառվում անհատ ձեռնարկատիրոջ կողմից 2018թ.-ի շրջանառության հարկի 4-րդ եռամսյակի համար հաշվարկված 2.935 դրամ և 2018թ.-ի սոցիալական վճարի /տարեկան/ գծով հաշվարկված 60.000 դրամ գումարները:

Ինչպես նաև հաշվի առնելով, որ 2018թ.-ի շահութահարկի տարեկան հաշվարկով պարտավորությունների վճարման ժամկետը օրենսգրքով սահմանված է մինչև 2019թ.-ի ապրիլի 20 ներառյալ, ուստի սույն որոշման մեջ չի ներառվում նաև շահութահարկի գծով 60.000 դրամ գումարը:

Անհատ ձեռնարկատիրոջ կողմից սոցիալական վճարի /տարեկան/ գծով կատարվել է 20.000 դրամի չափով վճարում:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **425.736** դրամ, որից՝

շրջանառության հարկի գծով պարտավորությունը կազմում է 92.618 դրամ, որից ապառք՝ 66.229 դրամ, տույժ՝ 26.389 դրամ, որն առաջացել է 2015թ.-ի 4-րդ, 2016թ.-ի 1-ին-4-րդ, 2017թ.-ի 1-ին-4-րդ, 2018թ.-ի 1-ին-3-րդ եռամսյակների հաշվարկներից, իրավահարաբերության ծագման պահին գործող <Հարկերի մասին> ՀՀ օրենքի 23-րդ հոդվածով /ուժը կորցրել է 01.01.2018թ.-ին/ և ՀՀ հարկային օրենսգրքի 401-րդ հոդվածով հաշվարկված տույժերից,

եկամտային հարկի գծով պարտավորությունը կազմում է 198.118 դրամ, որից ապառք՝ 133.000 դրամ, տույժ՝ 65.118 դրամ, որն առաջացել է 2015թ.-ի հոկտեմբեր-2017թ.-ի դեկտեմբեր ամիսների ամիսների եկամտային հարկի ամսական գումարներից /5.000 դրամ/, իրավահարաբերության ծագման պահին գործող <Հարկերի մասին> ՀՀ օրենքի 23-րդ հոդվածով /ուժը կորցրել է 01.01.2018թ.-ին/ և ՀՀ հարկային օրենսգրքի 401-րդ հոդվածով հաշվարկված տույժերից,

սոցիալական վճարի /տարեկան/ գծով պարտավորությունը կազմում է 135.000 դրամ, որն առաջացել է 2015թ-ի – 2017թ-ի հաշվարկներից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն ՀՀ Հայաստանի Հանրապետության 2019 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, ՀՀ հարկային ծառայության մասին» ՀՀ օրենքի 4-րդ հոդվածի 9-րդ մասով և ՀՀ վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Վարդան Վարդանյան Ա/Ձ-ից գանձել **425.736** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ ՀՀ վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

ԾԱՆՈԹՈՒԹՅՈՒՆ՝



Handwritten signature in blue ink.

Ա. ՄՆԱՑԱԿԱՆՅԱՆ

Հարկ վճարողի չկատարված պարտավորությունների գանձման վերաբերյալ հարկային մարմնում առկա մեկից ավելի վարույթների շրջանակներում ընդունված և ուժի մեջ մտած որոշումներով գանձման ենթակա ընդհանուր պարտավորությունը 500.000 ՀՀ դրամ գումարը գերազանցելու դեպքում, որոշումներն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի: